


是齋百一選方


五之八




			一	漢
			二	書
			三	門
			六	
			八	
		一		
		八		
		函		
		架		
		冊		
		五		

			內	漢
			閣	書
			文	
			庫	
			三	
			二	
			六	
			八	
		五		
		冊		
		架		
		八		
		函		
		三		
		〇		
		五		

內閣文庫	
番號	漢 12268
冊數	5 (2)
函號	305 42





新刊續添是齋百選方卷之五

第六門

嗽疾 痰飲 酒飲 壅塞 喘

治嗽方

鶯粟殼貳兩棟乾硬不蛀者去頂蓋及蒂穰火炙

陳皮去白半兩

右二味剉麋末每服三大錢水一盞半入烏梅一箇煎

至七分服

藿香半夏散洗肺和胃祛痰治咳嗽建中通暢二焦進美

飲食

藿香葉

官桂各一兩

半夏麴

陳皮去白

蒼朮

洗各半兩

乾薑二錢

厚朴二分

皂角

十挺火煨令煙

絕

甘草一分

右搗羅為散每服三錢水一盞半生薑三片煎八分不拘時服傷風頭痛壯熱惡心以生薑蔥或薑棗煎傷冷中露聲音不出用生薑入油煎捻頭二三枚同煎立効

七寶散

治諸般咳嗽老少並宜服姜侍郎方

北五味子

鶯粟殼

去頂蒂穰

陳皮

甘草

各等分

右同炒用薑擦子攪令香碾麤末每服三錢水一盞半烏梅一箇煎至一盞去滓溫服食前臨卧不犯銅鐵器煎尤妙

治勞嗽張子駟方蔣簽判傳屢見人服有効

人參

破胡紙

微炒不可焦各一兩

木香

錢一分

鶯粟殼半斤去蒂并揀取不蛀淨蜜炙為末不可焦

右為細末煉蜜為餅子半兩重每服一餅水一盞半生薑二片棗子二箇慢火煎至一盞去滓溫服

皺肺元治久嗽姚連判岳傳

款冬花

人參

五味子

桂皮

紫苑

白石英

微帶青色者

鐘乳粉

右等分為末用鷄羊肺一具去皮去杏仁半斤同用水煮肺爛為度去筋膜與杏仁同研極爛和眾藥候元得

成元如梧桐子大陰乾每服五七十元至百元不妨糯
米飲下食後臨臥服

無求子百問温肺湯治肺寒咳嗽聲重多涕壬子年春時

行此疾姚知縣克温名廷衮云浙東黃鹽苦嗽因因類聚作藥局

予三得此方二服即愈因以見傳家間患此者服之皆驗

不過三二服

麻黃一兩不去節二兩亦可

杏仁一兩去皮尖炒香

五味子 甘草炙

桂心各半兩

右為麤末每服四錢重水一盞半薑五片煎至七分去

滓熱服

治暴嗽一服便安

阿膠二片炙

生薑十片

大烏梅二箇槌 甘草半寸

紫蘊一兩

杏仁七箇去皮尖

鶯粟殼一箇去穰並蒂

大半夏三箇湯泡

右用水一大椀煎六分去滓任意服之不拘時臨睡服

尤佳

治虛冷咳嗽痰盛等疾

鐘乳粉

半夏泡

天南星炮各一兩滑石三錢別研

右將半夏南星碾為細末和鐘乳滑石令勻每服三錢

重生薑十片水一大盞煎至八分食前温服如稟受虛

弱人以此藥下黑錫丹五十元或四神丹十數粒無不
効者更自斟量服紹興劉駐泊名汝翼閣中年近六十
素虛弱服此取効

治嗽乾咯散李松傳於一被囚道人屢以取効

鶯管石膏者不溢而涼者是此
卽白礬煨爲不可用

鐘乳石

井泉石

佛耳草

甘草炙

白礬已上各兩官桂

人參各半兩

右爲細末每服半錢蘆管食後吸之冷茶清送下

治久月感冒寒氣暴嗽痰喘三拗湯郭醫

麻黃不去節用杏仁不去皮尖甘草不炙

右三味等分吹咀每服五錢水一盞煎至八分熱服以

被蓋覆而睡更加五味子等分最妙

治多年嗽葛邦美傳

杏仁去皮尖半夏湯泡天南星生用甘草生用

右等分爲麤末每服四錢水一盞半棗子二箇擘開生

薑七片煎至七分食後服

治一切嗽神効湯郎中傳

用不蛀皂角一挺大者去皮穰爲兩片去子每一子內
入巴豆肉一粒線繫定童子小便浸一宿火上炙令焦
黃色去巴豆不用或入一二粒亦不妨却用真杏仁一

合半夏一合二味入麻油內煎赤裂為度同皂角為細末每服一字用乾柿半片蘸藥喫或用白錫亦可臨睡時服服了不得喫湯水妙不可言

人參飲子治痰嗽亦治寒熱壅嗽張寺簿傳

人參去蘆 桔梗 半夏湯洗七次 五味子

赤茯苓 白朮各一兩 枳殼 甘草炙各半兩

右以咀每服三錢重水一盞半薑五片煎至七分去滓

空心服治寒壅者加杏仁不去皮尖紫蘊各半兩

人參紫苑湯治肺氣不調咳嗽喘急胃膈煩悶痰涎不利

坐臥不安晝夜不止久不愈者以致形容瘦減力氣羸劣

者並宜服之蘇司法次三傳之於滕舉一方

人參 五味子 甘草 桂枝各一分

京紫苑 欬冬花 杏仁各半兩 縮砂仁

鶯粟殼去頂穰用薑汁製炒各一兩

右並為飲子每服四錢水一盞半薑五片烏梅二箇煎

至七分去滓溫服

溫肺湯治冒寒咳嗽清涕自流

麻黃節不去 杏仁尖不去 甘草生用 桂枝微去皮

乾薑炮各半兩 五味子 細辛去葉各一分

右為以咀飲子每服三錢水一盞半生薑五片蔥白五

寸煎至七分去滓熱服

星砂元消痰積溫中順氣治一切風痰利胃鬲壯脾胃及
內傷生冷腹脇脹痛酒後痰實嘔吐服之神效鎮江邢鑿
方朱子傳

南星四兩湯浸
洗七次

良薑

縮砂仁各一兩

右為細末以生薑自然汁煮麪糊為元如梧桐子大每
服十五二十元生薑湯下不計時候夏月喫生冷尤宜
服雖多至七八十元無害加香附子二兩尤妙

神效化痰飛礬丹張承祖運幹傳

飛過枯礬

二兩北礬絳礬尤佳
如無只用通明南礬

半夏生薑製
一宿

天南星

切作片子用皂角擲水浸一宿來
日就銚子熬以水盡為度各一兩

白殭蠶

一兩半兩生用半
兩米醋浸一宿

右同為細末薑汁糊為元如梧桐子大小元亦得每服

十五元至二十元生薑湯下兼治喉閉用薄荷兩葉新
汲水浸少時嚼薄荷吞藥以水送下如咽不得即以十

五粒搗細用皂角水調灌下即開又治小兒急慢驚風
牙關緊急不可開者亦用皂角水調塗牙齦上入咽即

活

二薑元煖脾胃散寒氣姚醫方

乾薑

陳皮去白各
二兩良薑

青皮去白各
一兩

右為細末湯浸蒸餅為元梧桐子大每服五七十元生薑湯下

神仙化痰元亦治風秘甚妙

天南星

半夏

各四兩同南星二味生薑皂角各四兩用水五升同煮水盡去薑及

皂角不用

丁香

一兩

橘紅

二兩

右為細末白水麪糊為元如梧桐子大每服三十元生薑湯下食後服

加減青州白元子治丈夫婦人卒中風邪半身不遂口眼喎斜痰涎閉塞喘嗽咯血胃脘滿悶小兒驚風婦人血風大人洗頭風並服之

白附子

天南星

半夏

川薑

各二兩

天麻

白僵蠶

乾蝎

各一兩

川烏頭

去皮尖半兩

右八味並生用為細末白麪糊元如梧桐子大每服三五十元生薑湯下不拘時候如癱風温酒下小兒驚風薄荷湯下五七元此藥宜常服安神定志去風痰高壅之疾有孕婦人不可服

下痰元李鏞解元

橘紅

四兩

白朮

一兩半

半夏

一兩薑製

天南星

二兩炮

右為細末薑汁煮麪糊為元如梧桐子大薑湯下四十

粒不拘時候

千金元治中寒停飲不散痰實不入食王嗣康方

硫黃

通明者別研如粉

白茯苓

乾山藥各二兩

附子

去皮臍生用

半夏

湯洗去滑

青皮

去白各一兩

右為細末拌勻湯浸炊餅元或用淡麪糊元如梧桐子大每服二十元至五十元空心食前

天香飲子

縮砂仁

三兩

天南星

湯洗

香附子

洗淨各四兩

右以咀每服四錢生薑十五片水兩盞煎至八分食前服或用薑汁糊元亦得

導痰湯費達可運使傳

白茯苓

桂心

半夏

湯洗十次

乾生薑

橘紅

枳殼

炒香

甘草

右等分為末入生薑三片煎至七分非時溫服

二麪元治脾虛痰盛不入食妙甚

神麪

半斤為末棗肉搜和成餅候乾慢火炙

半夏

半斤為末生薑自然汁搜成餅候乾慢火炙

右二味一處碾為細末棗肉元如梧桐子大每服五十

元生薑湯下不拘時候

治痰飲捷徑趙從簡方

白茯苓

半夏湯洗七遍

右等分各剉如小豆每服秤三錢水一盞半生薑十片煎至七分去滓服

方勺字仁聲嘗著泊宅編論治痰當以橘皮為主須用真洞庭陳者其方去白取紅一斤甘草鹽各四兩水五椀慢火煮焙乾擣為細末點服又古方以橘紅四兩炙甘草一兩為末湯點名曰二賢湯以治痰極有驗世醫但知用半夏南星枳實茯苓之類何足以語此外舅莫強中服之腹痛利下物數塊如鐵彈子臭不可聞舊苦食後胃滿之疾豁然頓愈

細辛五味子湯

細辛

白茯苓

白朮

人參

甘草炙

乾薑炮各一兩

五味子三兩

右為飲子每服三錢水一大盞煎至八分去滓食後服治遠年痰飲發作有時諸藥未効者

丁香

枳殼麸炒黃

木香各二錢半

半夏湯洗七遍

縮砂仁

陳皮去白

白茯苓各半兩

右件七味並為麤末每服四大錢水一盞半煎至八分食前熱服可斷根本

吳仙丹治痰飲上氣不思飲食小便不利頭重昏眩常子

正中丞方馮仲柔知丞傳

白茯苓

吳茱萸湯泡去沫

右等分為末煉蜜元如梧桐子大每服三十元不拘時
候熟水吞下酒飲亦可中吐苦痰飲每啖冷食飽或晴
陰節變率用十日一發頭疼背寒嘔吐酸汁即數日伏
枕不食如千金大五飲元之類皆不效宣和初為順昌
司錄於太守蔡公安持達道席上得此方服之遂不再
作每遇飲啖過多腹滿服五七十元不三兩時便旋已
作茱萸氣酒飲隨小水而去前後痰藥甚眾無及此者
楊梅卿方只將茱萸酒浸三宿以茯苓細末拌之候乾

每服百餘粒湯酒任下

星附湯

全蝎一錢炒

附子炮去皮臍

天南星炮洗去灰各一兩

右為麤末每服三錢水兩盞薑十五片煎至七分去
滓澄清放冷服

快活元常服消食化痰養生之家不可闕韓倅子鬢方

枳殼一兩半炒

桂一兩

桔梗

半夏湯洗七遍各二兩

右為末薑汁糊元桐子大每服二十元食後薑湯下
丁香五套元傳公寶方其子宣贊安民傳夫胃氣虛弱三
焦痞澁不能宣行水穀故為痰飲結聚胃臆之間令人頭

目昏眩胃膈脹滿咳嗽氣急嘔逆腹疼伏於中脘亦令臂
疼不舉腰腿沈重久而不散流入於脾脾惡濕得水則脹
脹則不能消化水穀又令腹中虛滿而不食也此藥主之

半夏一兩切破 天南星一兩每箇切作十數塊二味先用水浸三日每日易水次用白

礬三兩研碎調入水內再浸三日洗淨焙乾 乾薑炮 良薑

白木各一兩 茯苓各一兩 木香 丁香不見火

青皮去白 陳皮去白各半兩

右十味為細末用神麴一兩大麥蘖二兩同碾取末打糊和藥為元如梧子大每服三十元至五十元溫熟水送下不拘時候常服溫脾胃去宿冷消留滯化飲食辟

霧露風冷山嵐瘴癘不正非時之氣但是酒癖停飲痰水不消累服湯藥不能作効者服之如神

治痰客於上焦久之則令人昏眩方

前胡去蘆 人參去蘆 紫蘘子真者 赤茯苓各三分

陳皮去白 甘草炙 枳殼炒 半夏湯洗七次

木香生用各半兩

右九味以咀每服三錢水一大盞生薑十片煎至半盞去滓熱服

衮金元

乾薑炮 真橘皮不去白洗 天南星生 半夏不湯洗各一兩

右先用生薑二兩不去皮擣爛製半夏南星末作麩却用
餘藥一處為末以生薑自然汁為元如梧桐子大又以雄
黃少許為衣不拘時候薑湯下三五十元臨臥服尤佳

紫芝元治痰

五靈脂 粒粒取全者去砂石

半夏 湯浸七遍慢浸令心透

右二味等分為末生薑汁浸蒸餅為元如桐子大每服
二十元至三十元生薑或茶湯下食前空心臨臥時服

三仙元治中脘氣滯胸膈煩滿痰涎不利頭目不清

天南星 生去皮

半夏 沸湯泡七遍二味各五兩碾為細末用生薑自然汁和不

可太軟但手捏得聚為度攤在篩內用楮葉蓋之令發黃色熬乾收之須是五六月內做麩如醬黃法

香附子 畧炒於塲上磨去毛五兩

右用南星半夏麩餅子二兩淨香附子一兩同為細末
水煮麩糊為元如梧桐子大每服二十至三十元食後

臨臥薑湯下

治停痰宿飲化痰元

人參 去蘆

白茯苓

半夏 湯洗七遍別為末極細

白朮

桔梗 切作小塊子薑汁浸各一兩

枳實

香附子

前胡

甘草 各半兩

右為細末用半夏薑汁煮糊元如梧桐子大每服三四
十元薑湯送下

玉塵散治痰飲出千金方

桑白皮自取東向未出土者淨洗貳兩 桔梗三兩 半夏湯泡七次

南星沸湯七次泡各一兩

右為麤末每服三錢水一盞半生薑七片煎至七分去

滓溫服一方加北五味子各等分

破痰消飲元治一切氣一切飲其効甚速何自然中丞傳

青皮洗 陳皮洗 川薑炮裂 京三稜灰炮碎用

蓬木灰炮碎用 良薑濕紙裹煨 草菓麪裹炮各一兩 半夏三兩湯泡七次

右並焙乾秤為細末水煮熟為元如梧桐子大陰乾每

服五十元薑湯或熟水下不拘時候

治痰茯苓元本治臂痛具指迷方中云有人臂痛不能舉

手或左右時復轉移由伏痰在內中腕停滯脾氣不流行

上與氣搏四肢屬脾滯而氣不下故上行攻臂其脉沈細

者是也後人謂此臂痛乃痰證也用以治痰無不効者

茯苓一兩 枳殼麩炒去穰半兩 半夏二兩 風化朴硝分

右四味為細末生薑自然汁者糊為元如梧桐子大每

服三十元生薑湯下累有人為痰所苦夜間兩臂常若

有人抽牽兩手戰灼至於茶盞亦不能舉只以此藥治

之皆隨服隨愈世間所謂痰藥者多矣至於立見神効

未有如此藥之妙也

滌寒湯

橘皮二兩

天南星

草菓子

炮去皮各四兩秤

右咬咀每服四錢薑二十片水兩盞煎至八分去滓空

心食前服

南星湯楊梅卿傳

南星

半夏

枳殼

桔梗

防風去蘆

甘草生用各半兩

赤芍藥一兩

右為麤末每服五錢水二盞生薑七片慢火煎至七分

去滓溫服

新法半夏湯郭醫傳

大半夏

四兩湯洗七次每箇切作兩片用白礬一兩碎之沸湯一碗乘熱浸半夏一晝夜湯洗去

礬攤乾一片切作兩片再用生薑自然汁於銀盃中沒頭浸一晝夜却於重湯中頓令薑

汁乾盡慢火焙乾為細末再用生薑自然汁搜成餅子曝或焙乾炙黃勿令焦

甘草

二兩半炙

陳橘紅

草菓

煨取肉

神麩炒

縮砂仁

各一兩

丁香

白豆蔻仁

各半兩

右八味為細末每服抄一錢先用生薑自然汁一匙調

成膏子入炒鹽沸湯點服

三倍元

木香

一兩

青皮

二兩去白

半夏

四兩湯洗七次

右為細末生薑自然汁元如小豆大每服三十元加至

五十元生薑湯下不拘時候

破飲元治一切停飲不散時嘔痰沫頭眩欲倒兩腕不利

漳州周判官柄傳

白朮一升 貳兩 乾薑炮

肉桂各六兩

赤茯苓七兩

旋覆花八兩 枳實二兩

右為末麪糊為元如梧桐子大每服五十元熟水下

搜飲元字文尚書方

每用木瓜一箇切下頂作罐兒去穢用生白礬半夏麪等分為細末填在木瓜內却以元頂蓋定用麻縷扎縛於飯甑上炊兩次爛研以宿蒸餅為元不拘多少但和

得聚即止如梧桐子大每服三五十元生薑湯下不計

時

治酒癖痰飲倍末散季成弟屢服有效

白朮二兩 附子炮去皮 臍一兩

右以咀分作三服水一大甃薑十片煎至七分去滓空

心服臟腑微動即安

窮辛散治羅塞痰盛清頭目辛丑年葛丞相作正言苦此疾踰月語音不出服柴胡之類亦不能去醫者云是燥用此藥數服而愈

川窮

細辛

防風

桔梗

白芷 甘草 羌活各一兩 桑白皮兩半

右為細末每服二錢水一盞半生薑二片薄荷三葉煎至七分不飢不飽時溫服

薛氏桂辛湯下痰飲散風邪止涎嗽聰耳鼻宣關竅利咽
高清頭目解胃眩進飲食鄧左丞方

桂去麋皮 細辛去苗土 乾薑炮 人參去蘆

白茯苓去皮 甘草炙各二兩 五味子 陳皮去白

白朮 半夏湯浸洗七遍細切如豆不擣各三分

右件除半夏外擣羅為麤末再同拌勻每服二錢水二盞同煎至一盞去滓食前溫服

宣肺散錢醫聖產家方盛公紀傳

白茯苓四兩 乾薑一兩 五味子 細辛

甘草炙各二兩 人參一兩

右為細末每服二錢沸湯調下食後臨臥服

治寒氣拍著語聲不出

官桂去皮 桔梗 杏仁去皮尖

右等分為細末用杏仁研膏為元桐子大含化立効

調降湯升降氣治癰甚妙

人參 黃耆炙 白芍藥 白茯苓

陳皮去白 甘草

右六味等分為麤末每服三錢水一盞半煎至八分去滓通口服不拘時候有痰加半夏生薑清頭目加川窮氣壅加紫蘇

定喘飲子

訶子三兩

麻黃四兩不去節

右一味為麤末每服四大錢用水二盞煎至一盞二分去滓入好臘茶一大錢再同煎至七分通口不拘時候臨臥服尤佳立有神效老幼皆可服一方加人參二兩名訶參散本方只兩味也

治寒喘五味子湯侯博古方潞陽高司法名申之每苦喘

疾發甚時非此藥不能治

橘皮三兩去白

甘草一兩半炙

麻黃四兩去根節

真北五味子

杏仁各二兩去皮尖

右為麤末水一盞半藥末二大錢煎至七分去滓通口

服不拘時候如喘甚加藥末入馬兜鈴桑白皮同煎夏

月減麻黃一兩

五味子剉散治肺虛寒理喘下氣務觀郎中娣忽發喘嗽

服諸藥皆不差得此方三服遂愈陸氏續方陸務觀紹興府人

乾薑炮

甘草炙各半兩

陳皮去白三分

桂

茯苓

五味子各一兩

右為剉散每服五錢水一大盞煎至六分熱服

治實喘方氣虛而喘者不可服

芫花

不以多少米醋浸一宿去醋炒令焦黑為細末

大麥麩

右二味等分和令極勻以濃煎柳枝酒調下立定

葶藶元大治肺氣咳嗽面浮目腫喘促睡臥不得步履艱

難小便赤澁等疾

漢防己

貝母

煨令微黃

木通

各一兩

甜葶藶

隔紙炒令紫色

杏仁

去皮尖及雙仁麩炒微黃別研各二兩

右為細末棗肉為元如梧桐子大每服三十元煎桑根

白皮湯下不拘時候服徐七香元家方名防己元無貝

母木通添桑白皮四味等分同為末白麪糊元

治喘安吉知縣張杰子孟野說宣肺湯

細辛

甘草

各一兩

防風

二兩

麻黃

四兩不去根節

右以咀每服二錢水一盞半煎至七分去滓溫服

觀音人參胡桃湯治痰喘夷堅已志第三卷

新羅人參

許一寸

胡桃肉

一个去殼不剥皮

右煎湯服蓋人參定喘帶皮胡桃欵肺故也

又方洪內翰夜直壽皇宣諭方

胡桃肉

三箇

生薑

三片

右臨臥食之畢則飲湯二兩呷又再嚼桃薑如前之數

且飲湯勿行動就枕即愈

治喘并痰嗽

白礬飛過 五倍子為細末

右每服各抄一錢以生猪肝火上炙熟蘸藥食後臨臥服漢陽公庫兵黃六者舊苦此病百藥不効於岳陽路上遇一道人傳此方兩服病不復作

治嗽章教授傳

款冬花一兩壞 乾別碾 桂去麋皮 不見火 甘草懷乾各一分

鴛管石半兩透明 者別研

右各修製了入乳鉢中一處研令極細每服一錢許五

更時以蘆管旋吸入咽喉中服訖仰睡以吐涎沫為効忌生冷油膩鹽醬等物宜淡食兩日

神御散治痰盛喘之咳嗽不已華宮使傳

御米殼去頂蒂隔蜜 炙細剉四兩 款冬花去枝 佛耳草

甘草炙 人參 陳皮去白 阿膠蛤粉炒

杏仁去皮尖雙仁 麩炒各一兩

右事治淨秤為末每服五錢水一盞半生薑二片肥烏梅壹箇拍碎同煎至七分去滓溫服不拘時候臨臥服尤妙

新刊續添是齋百一選方卷之五

治吐血史丞相方

第七門

吐血 咯血 衄血 血濺 小便血

治吐血史丞相方

松煙墨汁服之即愈

治暴吐血

桂末二錢水湯各半濃調約半盞許猛喫甚者二服南陽趙宣德患服之如神其甥亦吐血二服永安吳丞相冲卿忽吐血孫兆用冰澄蚌粉研細入辰砂少許米飲調下二錢日三服遂安兆秘此方吳以術得之韓

子切方朱砂一錢真蚌粉半錢

凡吐血咯血其得之多因積熱之甚或飲食過度馳騁傷胃絡也不然驚駭恐怖怒使氣逆上而不下行血隨氣行宛積胃間久則吐血咯血宜服白朮散行榮衛順氣止血進食退熱惟忌食熱麪煎炙海味猪雞一切發風之物酒不宜飲食不宜飽常令飢飽得所自然胃氣空利氣血流順也紹興癸酉秋蘓少連病此極可畏百藥不效偶姜昌言通判傳此方服之遂愈後濟人累驗韜光傳

白朮

二兩

人參

去蘆

白茯苓

去黑皮

黃耆

各一兩

山藥

百合

三分去心

甘草

炙各半兩

前胡

去蘆

柴胡

去蘆各一分

右為散每服一錢半水一盞薑三片棗一箇同煎至六分溫服日三服

治妄行吐血張裁衣傳其子病服此即止屢作屢効

熟地黄

洗去土焙乾

右為細末用好真京墨新汲水磨半盞來許分作二服調熟地黄末服之黑須用松煙者

又方

生地黄

熟地黄

五味子

各二兩

右三味並為細末煉蜜為元如梧桐子大每服三十元

一日三度空心用好酒送下

治吐血便血固榮散王醫師方

白芷兩半

甘草炒三錢

真蒲黃炒

地榆去蘆各一兩

右為細末每服三錢溫湯調氣急又加石膏半兩

治吐血衄血

茄花不以多少煎湯服良方

治吐血不止栢葉湯

青栢葉一把

乾薑三片

阿膠二片炙

右用水二升煮至一升去滓別絞馬通汁一升同和煎取一升綿濾過一服盡之

治暴吐血發寒熱欲作勞氣而未成者

滁州趙史君云其族姊為尼住新金一寺忽苦此疾醫

者不肯治偶一士大夫說此藥不數服而愈其藥以童

子小便和酒調下花蓋石散此後亦多人服得効

治勞心吐血孫仲盈說臨安張上舍曾以此治一人得効

蓮子心七箇

糯米二十粒

右為細末酒調服

治吐血葛察判名採閣中苦此疾百藥皆試得此方服之取効後雖發屢服有驗

生地黄一斤洗淨細搗取汁其滓再入好酒少許又取

汁令盡附子一兩半炮去皮臍切作片子入在地黃汁
 內用銀石器熬成膏其附子取出焙乾更用乾山藥三
 兩同為細末却以地黃膏子和成劑木臼內杵二十
 下元如梧桐子大每服三十元漸漸加至五十元空心
 米飲吞下神效

治吐血不止

紫參

人參

阿膠

蛤粉炒
成珠

右二味等分為細末烏梅湯調下

治吐血掌中金

真蒲黃黃藥子等分用生麻油於手心內調以舌舐之

又方兼治衄血

蛤粉白膠香等分以好松煙墨汁調服

治肺破咯血王醫師方蔡邦度傳

香附子去毛為細末以米飲調下

治咯血趙君猷云屢試得効

薏苡仁不拘多少為細末以熟者猪胰切作片蘸藥食
 後微空時取意食之蓋薏苡仁能補肺以猪胰道入經
 絡耳陳敏捷用單方治肺癰吐膿血薏苡仁三合搗碎
 以水二大盞煮至一盞去滓分作二服便愈

治鼻衄孫盈仲祖方蘓韜光曾用有効

四物湯加側柏煎服

治衄血

灸髮際一穴五七壯麥粒大○燒頭髮為末或龍骨煨
 過為末各以鼻吸之○蘿蔔汁或藕汁滴鼻中○燈盞
 數枚以百沸湯煮逐枚漉出乘熱安頂上冷即易之譙
 知閣熙載壬子年病用此而愈○蒲黃一錢先用新汲
 水調下老人不用次用米腦細研以熱馬糞汁調上件
 腦子用鷲毛管掃入鼻中立止馬糞熱即有汁冷無汁
 ○赤芍藥末冷水調服○五倍子一兩碾為細末新綿
 燒灰二味等分米飲調下○石榴花片塞鼻中即止

治鼻衄

用舊麻油燈盞合在頂心用物繫定少時即住

治衄血褚日新方

以真透明阿膠一片如小指大貼眉心立止

治鼻衄

人中白燒去穢氣研細入麝香少許吹入鼻中

又方

好麻油紙撚絛鼻中頃之打嚏即愈韜光云此方甚奇
 其母令人一夕常衄盈盆百藥不効用此遂愈

治血濺錢季毅

槐花半生半炒為細末傳之

治血自皮膚間濺出

以煮酒瓶上布碎掩如楊花用手捏在出血處立止

治小便下血不止

研酸草自然汁服之

又方

檳榔至大者半枚用麥門冬熟水磨至一盞重湯湯熟服之

又方

當歸 香白芷

右等分為細末每服一錢溫米飲調下

又方尿後有血

乾柿三枚燒灰陳米飲調下柿子性寒故也

第八門

吐瀉 痢疾 霍亂 風秘 小便不通 暑瀉

肉附元 治腹瀉不止

肉苳菝 一兩二錢 麩裏煨

附子 一箇重七錢 者炮去皮臍

右二味並為細末打糊為元如梧桐子大俟乾每服五六十元米湯吞下不拘時候立効江州高瑞朝方

椒附湯治驟腹疼注下或滑腸頻併多有冷沫

川椒去目

乾薑生用

附子去皮臍生用

右三味等分為麤末每服二錢水二盞煎至八分溫服不拘時候

欽賜元治久瀉姜侍郎方

木香

丁香

附子炮去皮臍

縮砂仁

呵子皮

罌粟殼炒去穢頂

川薑炮

沒石子

梓州厚朴薑製白龍骨

肉苳菰麪裹煨

赤石脂煨

禹餘糧醋淬七遍已上各壹兩

右為細末麪糊為元如梧桐子大每服七十元米飲下空心食前服

厚腸元

白龍骨

乾薑炮

附子炮去皮臍

厚朴薑製

訶子炮去核

肉苳菰麪裹煨

陳皮

右等分為末酒糊為元桐子大每服五拾元米飲下

治吐瀉韓御帶施此藥極驗

白龍骨

白礬

白石膏

白礬

右四味等分為細末滴水為元如梧桐子大入甘鍋火煨通紅為度每服五元至十元米飲湯下石膏是軟者北人謂之寒水石故可煨

沒石子元治臟氣虛弱大腸滑洩次數頻併日漸羸瘠不

進飲食或久患赤白痢脾瀉等疾並皆治之

白朮

白茯苓

各參錢 沒石子南蕃者二箇 藜蘆炮

丁香不見火

赤石脂別研

白薑切作片

肉苳蔻炮

訶子濕紙裏炮取淨皮各貳錢

右和勻用湯泡蒸餅為元小梧桐子大每服三四十元米飲吞下粥食前一日三四服棗肉元亦得

治水瀉徐元敏察院方

南木香

縮砂仁

白朮各一兩

丁香各半兩

右劉如麻豆大每服三四大錢水壹盞半煎至七分食前通口服輕者三四服甚者五六服虛冷人加附子半

兩

治瀉瀉本出博濟方人少知之

宣黃連

一兩散子塊切淨洗去泥土清水浸片時

生薑

四兩散子塊切一方用二兩

右於鍋銚內同炒薑赤黃色為度去薑不用將黃連碾羅為細末每服二錢膈茶同調下不拘時候若欲速効一料只作兩服嘗有人患此兩月一劑而愈

固腸元治臟腑滑泄晝夜無度

吳茱萸揀淨

黃連去鬚

罌粟殼炙去穰蒂

右三味等分醋糊元如梧桐子大每服三十元米飲下

空心食前服

斷下元治暴瀉孫盈仲方

神麩微炒

吳茱萸

綠色者揀淨泡洗七遍各一兩

右二味為細末以酸米醋為元如梧桐子大每服五十元至壹百元空心食前米飲湯下

加訶子四柱散治臟腑虛怯本氣衰弱脾胃不快不進飲

食時加洩利晝夜不息

人參去蘆

白茯苓去皮

附子

炮去皮臍各壹兩

木香紙包煨過

訶子

半兩濕紙包炮取皮用

右為細末每服二錢棗一箇生薑二片煎至六分服

葶藶散治滑洩神効

陳粟米一兩

肉苳菘

麪裹煨

五味子

赤石脂

研各半兩

右同為細末每服二錢粟米湯飲調下日進三服

大斷下元史仲華云渠乃伯史防禦得此効方

光堯御府所處

附子二兩炮

細辛一兩半

乾薑炮

良薑炮

白龍骨

赤石脂

酸石榴皮

醋煮乾為度焙乾各三兩

肉苳菘

牡蠣

火煨秤各二兩

右為細末糊為元如梧桐子大每服三十元白湯下楊氏方加訶子貳兩枯了白礬二兩

治瀉久不効者老人尤宜服

右用大附子壹箇炮去皮臍以韭菜根研爛絞取汁元
如梧桐子大晒焙乾每服三十元米飲湯下不乾恐麻
人

治瀉唐仲舉

人參去蘆

茯苓

肉苳菽麩包

呵子肉分等

木香減半

右為細末糊元如梧桐子大每服三五元米飲湯下
小兒如黍米大量大小加減服之

補脾元治滑泄

白朮具名 赤石脂 肉苳菽麩裹 川厚朴去蘆

汁塗

川白薑炮各一兩

葦撥炒

神麩炒

麥蘖炒

附子炮去皮臍各半兩

右為細末醋糊為元如梧桐子大早晚食前各五十元

陳米飲下

又方其効勝前

吳茱萸不以多少揀淨用大獷猪臟一兩條以茱萸實
滿扎定兩頭熟炭火煮令極爛研細元如梧桐子大早
晚食前各以米飲吞下五十元

葦撥元治滑泄甚妙

草撥

川薑炮

丁香不見火

附子炮去皮臍

吳茱萸

胡椒已上各一兩

草薺去皮已上各半兩

右為細末棗肉元如梧桐子大食前陳米飲下五十元

日進三服廬州知錄周汝切嘉禾人乃尊守永嘉時每

苦滑泄服此藥果有效其方董發運閱有序多不復錄

上貳方亦周糾所傳也

治泄瀉臟腑不固只壹貳服取效老人小兒尤宜服便血

或痢皆可用

白石脂真者炭火煨通紅取出放冷研細米飲調下二

三錢

治殮泄洞利不止

白茯苓一兩

南木香半兩紙裏炮

右二味為細末煎紫蘆木瓜湯調下二錢匕吳內翰母

夫人服之大有功效

茱萸斷下元治臟寒腹痛泄瀉不止

艾葉半兩炒

縮砂仁

附子炮去皮臍

肉苳菘各一分

吳茱萸二兩半炒

川薑各半兩

右為細末麪糊為元如梧桐子大每服五七十元米飲

下食前趙從簡通判甲辰年丁母憂食素之久苦瀉不

止日七八行首尾幾年每服它藥不過一二日復作得此方而愈後數年間遇瀉服之又効

治臟腑張醫升之傳

鷹爪黃連不以多少碾為細末用煨熟去皮大蒜元如梧桐子大每服三十元或五十元米飲送下

養婆湯治脾胃虛損臟腑泄瀉不進飲食大有神効韓倅子髦方

川烏炮去皮臍

梓朴去粗皮薑汁製

甘草炙半

右為粗末每服四大錢水一盞半生薑五片棗二枚煎至八分食空服者病證緊慢增減藥味

神授元治臟腑葛樞密傳

南木香二錢半

肉荳蔻一兩麪裹煨

右二味為細末煮棗為元如梧桐子大每服三五十元米飲下不以時候

滁州趙使君云其女年甫周歲忽苦臟腑每所下如雞子黃者半盆許數日之間幾至百往漸作驚風證有一士大夫教以鐘乳粉貳錢以棗肉和搜令取意食之不然以濃煎棗湯調鐘乳服亦可以兒小只用一錢已平復矣傳方者云它日或作少瘡瘍不足慮兒子清老年三歲過鎮江時病久瀉危甚用此法服至半兩遂安亦不

生瘡

止吐瀉宇文尚書傳此方甚妙

乾木瓜

藿香葉

良薑各半

右為麤末分作二服每服用水二大盞煎至一盞空心食前服候滓再煎一服

六妙湯治下血或痢不止詹判院武子方

烏梅

拾箇

甘草

二寸

罌粟殼

拾箇去穢

丁香

五十箇

桂心

二寸去粗皮

縮砂仁

四錢半

右六味同拌勻作一服水一盞半於銀器內煎至七分忌銅鐵器去滓溫服滓用水二盞再煎小半盞服

治痢獨神元沈太虛侍郎方沈仁父傳

罌粟殼去穢蒂不以多少用米醋一盞蘸炙以醋多為

妙候焦黃為細末煉蜜為元小彈子大每服一元水一

盞生薑二片煎至七分服

治禁口痢王順伯運使傳

鯽魚一枚不去鱗腮下作一竅去腸肚入白礬壹粟子

大紙裹煨令香熟令病人取意用鹽醋食之季教方燒

存性灰米飲調下曾用之有效

治氣痢太平廣記唐太宗得効方

乳煎葦撥沈存中良方云每用牛乳半升葦撥末貳錢

已同煎減半空心服仍具載本末

治痢方

臈茶細末不以多少白梅肉和為元赤痢甘草湯下白痢烏梅湯下泄瀉不止陳米飲下每服二十元團茶尤佳白梅貴陳

治禁口痢孟公實郎中傳云甚妙

石蓮不以多少不炒剝去殼將肉并心碾為細末每服貳錢陳米飲調下便覺思食此疾蓋是毒氣上衝華蓋心氣不通所以不入食服此藥之後心氣通痢當頓下而愈未愈自服痢藥

祭酒林謙之說韶州醫人劉從周治病有功議論殊不凡

且有驗云大凡痢疾不問赤白而後為冷熱之證若手足和煖則為陽只須先服五苓散用粟米飲調下次服感應元貳拾粒即愈若覺手足厥冷則為陰當服煖藥如已寒元附子之類如此治痢無不効此方親曾用有効有人夏月患痢一日六七十行用五苓散者兩服立止

治赤白痢并臟腑等疾減將仕之女服之有驗

瞿粟殼去穰蒂令淨炙黃 瞿粟子炒令微黑

右同為細末煉蜜為元如小鷄頭大每服十元十五元

赤痢甘草湯下白痢乾薑湯下瀉米飲下小兒元如粟
米大量大小加減服之

治赤白痢

吳茱萸揀淨

黃連

去鬚并蘆
剉散子大

右等分一處以好酒浸透取出各自揀焙或燉乾為細
末糊元如梧桐子大赤痢用黃連元三十粒甘草湯下
白痢用茱萸元三十粒乾薑湯下赤白痢各用十五粒
相合併以甘草乾薑湯下此方浙西何山純老以傳蘇
翰光云數十年救人無數人多求方不敢輕授恐以其
藥品之微而忽之翰光每以救人甚効洪氏方亦有修

制湯使少異

治血痢熱躁

水研粳米半升取汁令盡以汁置有油瓷瓶膈紙封口
沉井底平旦服之吳內翰家乳媪病服之而愈

泊宅編云蜀人山叟治痢藥用鴛粟殼并去核鼠查子各
數枚焙乾末之飲下尤治禁口痢鼠查子即糖毬

治禁口痢陳慶長知縣名祖永云頃守官南康其子年十
許歲患禁口痢水漿不入者數日惟能進藥同官家有
方書載一治法試用之壹服而痢稍踈三服遂索粥飲
頓食半盞許自是痢止而安其法用乾山藥一半炒黃

色半生用研為細末米飲調下

如聖湯治下痢赤白甚重者貳方焦濟卿

人參

當歸各三寸洗

滴乳一塊黑

甘草二寸炙

烏梅七箇

罌粟殼一箇去穢蜜炙

大北棗七箇

縮砂仁

大丁香

白豆蔻

各二十箇

陳生薑

二塊指大用濕紙裹煨熟

右為末分作三服水一盞半煎至七分瀝去滓服不用

罌粟殼亦可

香茸元治下痢危困

麝香半錢別研臨時入

鹿茸壹兩火燎去毛酥炙

右鹿茸為細末方入麝香以灯心煮棗肉為元如梧桐

子大每服五十元空心服繆立夫云有一醫者每料添

滴乳香半兩尤有效紹熙壬子紹興人苦痢疾者極多

往往而死凡平時所用治痢如罌粟殼之類不可向口

唯服此等藥或沒石子元作効

治血痢

右用合成平胃散秤一兩入川續斷末二錢半拌勻每

服二錢水一盞煎至七分服張叔潛秘書知劍州時其

閣中病血痢一醫者用此藥治之而愈紹熙壬子會稽

時行痢疾叔潛之子為人說服之亦驗小兒病親曾服

作効

治痢如聖飲治一切痢疾無問久新或赤或白或赤白相雜日夜無度悉能治之紹熙壬子浙東提舉黃即中施此藥頗有効驗

當歸

地榆

縮砂仁

赤石脂

陳皮

石榴皮

訶子肉

甘草

罌粟殼

乾薑各等分

右一十味為粗末每三錢重作一服水一盞半入陳霜梅一箇煎至七分去滓赤痢冷服白痢熱服赤白痢温服年高娠婦小兒皆可服忌生冷肥膩物

必効飲子治久新赤白痢浙東帥趙侍郎子和壬子年施此藥

白木

甘草

罌粟殼蜜炙已上等分用

右為麤末每服三大錢水一盞半生薑二片棗一箇煎至七分去滓温服白痢加白木赤痢加甘草不拘時候服忌油膩之物

治痢泊宅編云姚祐自殿監遷八座母夫人病痢諸藥不効令李昂筮軌革有真人指靈草之語一日登對上訝其色悴具以實奏詔賜一散子數服而愈仍喻只炒椿子熟末之飲下余檢本草椿筴主大便下血今處處有

之夏中生筴樗之有花者無筴有筴者無花常生臭樗
上未見椿上有筴者然世俗不辨椿樗之異故俗中名
此為椿筴其實樗筴耳注云樗皮主疳痢日華子云樗
皮温無毒止瀉及腸風入藥時用蜜炙藥性論云樗白
皮使味苦微熱無毒能治赤白痢腸滑痔疾瀉血不住
取白皮壹握倉粳米伍拾粒蔥白一握甘草三寸炙鼓
兩合以水一升煮取半升頓服之小兒量大小服枝葉
與皮功用皆同

治痢無問赤白韓明道名月卿

玄壺素不以多少新瓦上炒過為細末每服二錢米飲

調下只一服取効

治痢疾甚者數服止趙彥偁方恐魯字

人參

白朮

當歸

地榆

阿膠各一分

蚌粉炒黃

甘草一錢

乳香少許

肉豆蔻

兩箇麪裹煨

右九味為粗末一盞煎至八分去滓温服不拘時候

治痢褚日新方云甚奇

杏仁

四十九粒

巴豆

各四十九粒各於麻油灯焰上燒灰存性

百草霜一錢

右各研為細末用黃膈溶成膏元如小菜豆大每服五粒白痢乾薑湯下赤痢甘草湯下如要定轉用棗湯下

七粒

治赤白痢及水瀉最效廬州合肥唐王簿錡方

破故紙一兩炒

罌粟殼四兩去穢頂蒂新瓦上焙燥

右二味為細末煉蜜為元如彈子大每服一元水一盞

化開薑二片棗一箇煎取七分如小兒分作四服

治痢無問赤白張王仲參議說

官局二薑元不用糊却以獾猪膽為元依常法服以米

飲湯下空心食前服

百中散治一切痢不問赤白或一日之間一二百行只一

服便踈再二三服即愈魏不伐方

罌粟殼

去上下蒂頂兩剉成片子蜜炒令赤色淨秤

厚朴

各三斤去粗皮淨秤用生薑汁淹一宿炙令薑汁盡為度

右為細末每服二三錢米飲調下忌生冷油膩魚鮓毒

物三日湯壽資通判所傳與此同云極有功效

夷堅甲志云虞丞相自渠州被召途中冒暑得疾泄痢連

月憂壁間有韻語藥方壹紙讀之數過其詞曰暑毒在

脾濕氣連脚不泄則痢不痢則瘧獨煉雄黃蒸麪和藥

甘草作湯服之安樂別作治療醫家大錯如方服之遂

愈

回生散治霍亂吐瀉但一點胃氣存者服之無不回生

陳皮去白

藿香葉去土

右等分每服五錢水一盞半煎至七分溫服不拘時候

治霍亂蔣簽判云行在一家專貨此藥

藿香葉

烏藥

香附子

炒各半兩 甘草二寸半炙

右為麤末水一大盞煎至七分溫服甚妙

治霍亂大交泰丹見第九傷寒卷中楊氏方云治霍亂吐

痢輔先生甚奇此藥合以施人

治風秘錢知閣傳王嗣康方

阿膠麩炒研為細末煎服三錢氣實者加水香最宜老

人

寬氣湯利三焦順臟腑治大便多秘孫盈仲傳呂子厚右

司閣中服之有效

香附子

六兩須新砂盆內打令淨潔焙乾秤二兩去心取肉

縮砂仁

一兩一分炒

甘草

一兩一分炒

右為細末每服一大錢濃煎橘皮湯下不以時候此方

官局小烏沈湯加縮砂仁分兩不同

治老人虛人大便不通

葱白三寸水煎候葱熟不用入阿膠一片溶開溫服吳

內翰母夫人曾服得効

治風秘攢官有一老人患八九日不通有木匠授以此方

只一服便見効

不蛀皂角當中取一寸許去黑皮以沸湯半盞泡上用
盞蓋定候通口服之先辨少粥通後即食

治老人虛人小便不通吳內翰方

琥珀研如粉人參湯調下一錢止陳彥脩侍郎服驗

治腹脹小便不通

苧蓐不拘多少焙乾碾為細末每服三錢重熱酒調下
不能飲者以米飲調下頻進數服以通為度紹興劉駐

泊汝翼云魏邛知明州時宅庫之妻患此疾垂死隨行

御醫某人治此藥令服遂愈

邛邛字

治大小便不通顏尚書方屢試有驗

連根葱壹莖不得洗淡豆豉二十一粒鹽一捻生薑一
塊胡桃大同研令爛炒溫填臍內以絹帛縛定良久即

通

治腹肚脹痛臍秘方愈教授瀾

蒼朮

厚朴薑汁

陳皮各一兩

生好硫黃

二兩用蘿蔔煎沸湯浴三兩次

右件搗羅為末浸蒸餅糊為元如梧桐子大每服三五
十元日兩服米飲下

治伏暑暴瀉兼去暑毒趙從簡親服立効

枇杷葉去毛

生薑濕秤

罌粟殼去穰帶各三錢

右三味細剉用水二大盞蜜一合酒半合粟米百餘粒同煎至一盞以下溫服一服即愈

穀神散治夏月暴瀉

楮實青者蒸一次煎乾用一升

甘草一兩炙

陳倉米一升

乾薑一兩

右為細末飯飲調下

治夏秋間暑瀉不止

右以理中湯下駐車元

治赤痢章教授方

煎四物湯下駐車元病甚者駐車元一貼只作一服

棗附元治臟寒滑泄不思飲食華宮使傳

用正坐大附子一箇乾棗半斤同於銀石器中慢火煮上留水兩指水乾旋添湯煮兩三時取出切作半箇再煮候至晚棗爛壞將附子溫水洗剝皮去臍切作薄片焙乾搗為細末別煮棗為元如梧桐子大每服三四十元米飲空心服患滑泄垂死者皆獲康愈

王連元治脾積下痢蠱痢同

木香

訶子連核各半兩黃連一升炒紫色

右為細末研粳米飲糊為元如梧桐子大每服一百元

米飲下空心食前日進二服

真人養臟湯治一切痢同

丁香

木香

肉豆蔻

麩裏煨
去麩

當歸

洗去
蘆

白茯苓

去黑
皮

罌粟殼

去頂蒂
炙

人參

去蘆各一
兩二錢半

揀草

一兩
炙

烏梅肉

二錢
半

酸石榴皮

陳皮

赤芍藥

黃連

去
鬚

白芍藥

厚朴

去麁皮薑
汁製炒

乾薑

炮
裂

阿膠

蛤粉
炒

地榆

訶子

炮去核各
七錢半

右一十九味碾為麁末每服五錢水一盞半煎至八分

去滓通口服食前兩服滓再作一服

治瀉不止神妙木香煮散同

木香

茱萸

各二兩
去枝梗

甘草

半兩
炙

罌粟殼

四兩去頂
蒂隔蜜炙

右件以咀每服三錢水一盞半煎至一盞去滓稍溫服

食前

新刊續添是齋百一選方卷之六

新刊續添是齋百一選方卷之七

第九門

傷寒 感冒 中暑

百解散治傷寒頭痛肢體沉重惡寒發熱痰逆咳嗽困倦
少力及偏正頭疼此藥專解截四時傷寒常服清神爽氣
瘟疫瘡癘不生龍葵子治方

防風去蘆

麻黃去根節各三兩半

白芷

白芍藥各二兩

川烏半兩炮去皮尖

荊芥穗去枝

乾薑各三兩

右為細末每服二錢蔥茶或蠟茶點服不拘時候煎服

亦可

元板荆芥下有六兩二字

順解散治傷寒凡初受疾未分陰陽表裏皆可服之史仲華傳

蒼木斤半

藁本浸水

桔梗

甘草

防風

獨活各四兩

厚朴薑製

陳皮各二兩

右為細末每服二錢生薑七片水一盞半煎八分去滓溫服

祭酒林謙之說韶州醫人劉從周二盛夏發熱有傷寒暑二證若熱有進退則為冒暑若一向熱不間斷則為傷寒但當以此別之

冲和散治寒温不節將攝失宜或乍暖脫衣盛熱飲冷或坐臥當風居處暴露或風雨行路衝冒霜冷凌晨早出呼吸冷氣或久晴暴暖忽變陰寒或久雨積寒致生陰濕如此之候皆為邪蘊侵傷肌膚入于腠理使人身體沈重肢節酸疼項背拘急頭目不清鼻塞聲重伸欠泪出氣壅上盛咽渴不利胃膈凝滯飲食不入凡此之證若不便行解利伏留經絡傳變不已此藥治之姜侍郎方其子處度宰清流傳與趙學諭貨之其家遂温

蒼木

六拾兩

荆芥穗

三拾兩

甘草

拾二兩半

右為麤末每服三錢水一盞半煎至八分去滓熱服不

計時候併滓再煎才覺傷風及覺勞倦即須服之不問
虛實老幼悉皆主治

截傷寒不問陰陽決有神效蔣簽名蓋傳

乾薑 乾葛 白芷 甘草

右等分末之乾薑減少不妨每服三錢水一盞半煎八
分入薑棗同煎不以時候服了不出風被覆睡少時汗

出即愈

治疫氣及一切傷寒不拘輕重聖僧散

吳白芷 半斤洗了 陰乾細剉 甘草 四兩 生剉

右並為細末每服二錢生薑二片棗子一枚擘破蔥白

三寸水一大盞煎至六分熱服用衣被蓋之汗出即差

如人行五里久又進一服以正邪氣

破證奪命丹治傷寒陰陽二證不明或投藥錯誤致患人

困重垂死七日以後皆可服傳者云千不失一

好人參一兩去蘆薄切水一大升銀石器內煎至三盞以


新水沈之取冷一服而盡汗不自出只在鼻梁尖上

涓涓如水是其應也妙甚蘇韜光云侍郎方丈嘗以救

數十人余宰清流日倅車申屠行父之子婦產後病時

疫二十餘日已成壞證偶見聞因勸其一味只服人參

遂安是時未知有此方偶然暗合耳



保真湯治傷寒疫氣不拘陰陽證但初覺不快連進三服
立愈葛丞相鏤板印施甚妙

蒼朮

剉作散子塊米泔水浸一宿控乾用麥麩和炒
候麩赤色為度次用新麩布袋筒去麩皮取淨

藁本

淨洗
日乾

川芎

不見火
各四兩

甘草

二兩
炙

右四味剉為麤末每服三大錢水一盞半生薑二片煎
至八分去滓熱服

治傷寒感冒不問陰陽證初覺即服甚効趙從簡方

蒼朮

米泔浸一宿
焙乾秤一兩

大菖蒲

半兩
剉

甘草

二錢
半炙

右以咀每服五大錢蔥白三寸水一盞半煎至七分去

滓熱服微汗即愈

普救散治傷寒不問陰陽表裏但二日以前未分皆可服

王叔咸方

甘草

四兩

生薑

二斤切
作片子

蒼朮

一斤剉
剉尤佳

右三味淹拌罨一宿次日焙乾碾為麤末每服半兩蔥

白二三寸水一椀半煎至八分一椀去滓熱服不拘時

候如頭痛加香白芷腹痛加香附子汗出即愈

大交泰丹治陰陽二毒傷寒或因下早亡陽或致結伏胃

膈四肢厥冷脉息俱無心躁如火或因冷物傷脾夾臍注

痛生硬入胃中滿痞塞及發潮熱并治翻胃噎逆霍亂吐瀉小腸疝癖脇肋氣痛但是陰陽不順惡候傷寒並皆治之每服一粒炭火內煨通赤良久取出放冷細研如粉米飲一盞煎至七分溫服不拘時候隔半時辰再進一服甚効如神兼治小兒瘡疹倒壓依法服半粒即愈

金星石

銀星石

代赭石

太陰玄精石

雲母石

白色成片子者

禹餘糧石

桂府滑石

已上各一兩

寒水石

吉州者一兩半

不灰水

色青黑性軟者一兩

右同入甕瓶子內炭火半秤煨火耗一半取出放冷研

為細末糯米粥為元如彈子大候乾依前法服寒水石南人謂之軟石膏一方加麥飯石壹兩

神木散治四時瘟疫頭痛項強發熱憎寒身體疼痛及傷風鼻塞聲重咳嗽頭昏并皆治之

蒼朮

五兩米泔浸一宿

藁本

去土 白芷

羌活

去蘆

細辛

去葉 甘草

炙 川芎

各一兩

右為細末每服三錢水一盞生薑二片蔥白三寸同煎至七分溫服不拘時候或作麤末煎服尤快微覺傷風鼻塞只用蔥茶調下一方蒼朮半斤去皮川芎二兩藁本去苗土洗三兩甘草炙二兩細辛去苗一兩

治身熱頭痛昏重未辨陰陽夾食傷寒傷暑等疾

陳橘皮水洗不去白二兩

生薑搥碎不去皮四兩

右以水四碗煎至一碗半每服一盞通口併服呂侍講

希哲居和州歲疫服者多安吳內翰家用之數効

神授太乙散治四時氣令不正瘟疫妄行人多疾病此藥

不問陰陽兩感風寒濕痺並皆治之

川升麻

白芍藥

紫蘓葉

香附子

乾葛

香白芷

陳皮

川芎

青皮

甘草

右等分爲麤末每服三大錢水一盞半生薑三片煎至

八分去滓通口服不以時候連進二服如發熱頭痛加

連鬚蔥白三寸同煎如中滿氣噎加枳殼數片產婦嬰

兒老人皆可服之以下元板有卅字漫漶不可讀故缺之

治壞證傷寒病十餘日之後過經已下已汗而未愈者廬

州郭醫名羽云渠義父李助教大名府人善方脉嘗合

以治四五人皆安其方得於天台一僧用藥甚異或謂

其効在堯取殊不可曉紅娘子二七箇去頭翅足細研

大棗兩枚剝取肉同研勻爛元如理中元大每服一元

以白水煎服先頭目次遍身覺微微有汗然後服小建

中湯加黃耆者病差卽止郭醫但能記此說未嘗敢用

不可不錄以俟名醫問之

沃雪湯解利四時傷寒時行瘟疫風濕陰陽兩感表證未
解身體壯熱疼痛惡風聲重鼻塞頭痛四肢項頸煩倦又
治霧濕瘴氣觸冒寒邪此藥溫和表裏適順陰陽老幼四
時皆可服才覺吹着連進二服立差章滁州茂深方

蒼朮

八兩
去皮

厚朴

四兩
去皮

當歸

洗

川芎

白芍藥

防風

橘皮

去
白

葛根

甘草

各二
兩

右以咀每服三錢水一盞半煎至一盞去滓溫服

香薷散治傷風感寒發散表邪胡氏方廬州郭醫云屢用

得効

香附子

去毛
炒六兩

藁本

去蘆
四兩

川芎

剉

橘皮

去白
各二兩

甘草

炙一兩半

右為細末每服三錢水一盞生薑三片煎七分溫服無

時

救疫神方夷堅庚志十四卷靖康二年春太學事

黑豆

二合
炒令香熟

甘草

二寸
炒黃

右以水二盞煎至一半時時呷之是時因疫發腫者服之

無不効

神木煮散治感寒凡人寒則傷榮血為榮風則傷衛氣為

是書曰一集方

卷二

二

衛故治傷寒當用當歸之類藥

蒼朮六兩

當歸

厚朴

薑製各二兩

人參一兩

白芍藥

川芎

陳皮

各半兩

右以咀每服三錢水一盞半生薑五片棗二箇煎至八

分去滓食前熱服

二姓不傳散

蒼朮

七兩以竹籃水中洗淨不須去皮

乾葛

三兩

煎子令盡服無

甘草

一兩七錢半

右為細末每服三錢水一盞煎至八分服若細切蔥頭與

茶同點見効尤速酒調亦得

傷寒鼻塞出清涕不已

香白芷

一兩

荊芥

一錢

右為末臘茶清調服如不用荊芥薄荷一錢亦佳

治腠理不密易致感冒只當先服此藥感冒自退石叔訪

監丞云得之於一相識親服取效後以治數人其病皆愈

附子

炮去皮臍

茯苓

酒浸一宿焙乾

細辛

五味子

右等分為麤末以四味黃耆建中湯相對合和令勻如

本方煎服不過三四服即安

大黃龍元治中暑身熱頭疼狀如脾寒或半熱半寒或寒

熱往來或煩渴嘔洩昏悶不省或不能飲食此方曾合治

暑甚妙嘗有中暈已昏欲死者灌之立甦李子英傳

船上硫黃 硝石各一兩 白礬 雄黃

滑石各半兩 白麩四兩飛

右五味研為極細末入麩在內滴水為元如梧桐子大每服

十元至三二十元新汲水下小兒黍米大如無硝石以

盆硝代之

治中暑不拘老少皆可服朱子新傳

不艸皂角不計多少刮去黑皮燒煙欲盡用盆合於地

上周回用土遮縫勿令透煙每一兩皂角灰用甘草末

六錢每服一錢新汲水調下如氣虛人溫漿水調下昏

迷不省者不過兩服吳內翰備急方用皂角五斤去皮

弦炙焦黑存性甘草五兩

水瓢元治胃暑毒解煩渴中書何舍人希深方

烏梅肉四兩 甘草 青鹽各二兩 乾木瓜

檀香 白茯苓各一兩 麝香三錢半蜜煉過

右除麝香別研餘並為細末煉蜜為元每兩作三十元

每服一元含化或新汲水溫湯嚼下不拘時候湯元板作水恐非

黃龍元

半夏半斤 醋一斗 浸三日入銀器中慢火熬醋盡取出新汲水洗曬乾 甘草一兩

右二味為末生薑自然汁和元梧桐子大食後新汲水

下三十元至五十元

冷香湯治夏秋暑濕恣食生冷遂成霍亂陰陽相干臍腹刺痛脇肋脹滿煩燥引飲無度王元禮傳

良薑

檀香

甘草

附子

二兩

丁香

川薑

草豆蔻

煨

右為細末每用藥末五錢水二升煎十數沸貯瓶內沈

井底作熟水服大能消暑止渴服之永無霍亂疾

十味香薷飲治脾胃不和乘冒暑氣心腹澎悶飲食無味

嘔噦惡心五心潮熱力乏體倦並宜服之常服消暑健脾

進飲食傳公實方

香薷葉

人參

白朮

陳皮

白

白茯苓

黃芪

厚朴

薑自然汁拌和炒至黑色

乾木瓜

白扁豆

甘草

右為麤末每服三錢水一盞棗一枚同煎至七分去滓不拘

時候服

龍鬚散治胃暑伏熱心高燥悶飲水過度

甘草

五倍子

飛羅

白礬

烏梅

右五味並為細末每服一大錢新汲水調下此方即呂顯

謨家濯熱散

治中暑玉壺元

舶上硫黃

焰硝

滑石

白礬各一兩

右四味擣羅為細末入上等白麪六兩拌和令勻用新汲水為元如梧桐子大每服二十元新汲水吞下如悶亂欲死者以水調灌之立甦其效如神

治暑暈逡巡悶絕不救者石林避暑錄云親治一御馬之僕立甦且云沈存中嘗著其說

道上熱土

大蒜

右略等多少爛研冷水和去滓脚飲之即差此方在徐

州沛縣城門上板書揭之不知何人所施也

水葫蘆元

川百藥煎

三人參三錢

甘草

麥門冬

烏梅肉

白梅肉

乾葛已上各半兩

右為細末麪糊為元如雞頭大每服一元含化夏月出行一元可度一日

治中暑昏迷不省人事欲死者地榆散并治血痢華宮使傳

地榆

赤芍藥

黃連去鬚

青皮去

右等分為細末每服二錢漿水調下如無只以新汲水

調亦得血痢水一盞煎至七分去滓温服

新刊續添是齋百一選方卷之七

新刊續添是齋百一選方卷之八

第十門

心疾 脾疾

治心脾痛不可忍 香附散

高良薑 去蘆炒 香附子 去毛炒 各一兩

右為末每服二錢入鹽米飲調服吳茱內翰宣和壬寅
得此方即修合次日登舟舟人妻病心痛欲死吳以半
盃許飲之即愈二味須各炒同炒即不効

薑橘元 治中酒惡心 心脾痛嘔逆等疾

生薑 一斤去皮切片子青

甘草 一斤

陳皮一兩半 去白 青皮去穰 縮砂仁 木香各三分

蓬莪茂浸一兩宿

右為細末煉蜜和杵千下元如櫻桃大每服一元細嚼鹽湯下不拘時候或空心含化亦可

治心脾痛不可救者任和卿知縣方

右桂心為末白湯點服酒煎尤妙調亦可

又方

當歸 良薑

右二味為細末煎服

又方李德翁知丞傳

香薷葉薷廣韻音柔石上生細葉如鍼者好 茴香炒

右二味等分為細末每服二三錢熱酒調下

紫沈煎元治虛寒積冷伏滯陰氣膨脹心腹疝痛兩脇刺

疼妨悶治之如神鼎州郭醫方以此藥得名成家致富

沈香一兩細末煉蜜半斤煎五七沸別貯 阿魏一分酒半升研化盡

沒藥一兩擣碎酒半升研化盡入阿魏酒內 巴豆霜一分酒半升化先入銀器內煮十餘

沸

硃砂一兩酒半升煮化去石入巴豆酒內熬欲如稀糊次入沉香等三味一處熬成膏後入下項藥末

硫黃滴水研極細

檳榔 木香 胡椒 青皮去白

人參去蘆

高良薑水煮六七沸曝乾

官桂各一兩

乾薑三分

丁香半兩

朱砂別研

右除硫黃朱砂外先用諸藥為細末次入二味研勻入

前膏搜入臼杵三二千下元如梧桐子大每服三二元

橘皮湯送下如卒暴心痛醋嚼破下立見効驗

治心痛寒邪乘於心包甚者吐酸水其吐有時郭宅心方

王順伯運使傳

枯了白礬半兩木賊半兩人參一分

右為細末醋湯調下酒服亦得

治急心痛神効無比立應散

高良薑一分五靈脂半兩

右二味為細末每用壹錢半以醋一茶脚調勻用百沸

湯投半錢連滓急服神効

又方

荔枝核燒灰存性為細末

右每服二錢熱酒調下集驗方用醋湯調下一錢

治心脾疼錢觀文方留都錄名用光傳

當歸八兩白朮二兩

右為細末沸湯點服或作麤末加棗子煎服亦可

又方魏丞相方趙從簡傳

高良薑

檳榔等分炒

右為細末米飲調下服者無不作效

又方程庶幾道傳

大天南星

一介約三十四五個六月初五日切片用生薑去皮爛研罨一宿每天南星一箇用胡椒二百粒同研細元如橄欖核大焙乾須六月六日合

右每遇發時以大棗一枚去核入藥在內濕紙裏煨熟

白湯空心送下

又方葉道人

真蛤粉

一錢炒

桂去皮一錢

乾薑炮二錢

右為細末每服二錢米飲調下

學究元治丈夫心脾疼并小腸氣痛婦人脾血氣痛立效

陳寺丞傳

片子薑黃

五靈脂

玄胡索

石菖蒲各一分

全蝎

三七箇微炒

紅娘子

二十七箇去翅足本草謂之莎雞

巴豆

比箇去殼不去油別研旋和要極勻

右為細末酸醋糊為元如梧桐子大每服二元丈夫小

腸氣疼茴香鹽湯下心脾痛茶清內點醋下婦人血氣

痛薑醋湯下

治心脾疼陳行之學諭方

上等江茶

五文

生硫黃

五文有墻壁者

右同研細末用熱湯調臨發時服可以除根

治心脾痛及治婦人一切血刺等疾滁陽趙史君方

良薑一兩油燻勿令焦白芍藥一兩洗淨

右為細末每服二大錢水一盞米醋半盞煎至七分熱

服或用醋湯調下亦得胡氏方用赤芍藥良薑不燥熱

米飲調下

治暴心痛不可忍

石菖蒲一兩良薑半兩等分亦得

右為細末醋糊為元如菘菜豆大每服二十元菖蒲湯下

或作散米飲調下亦得

又方

良薑一兩實者只如散子大

巴豆二錢去殼

右二味同炒令黃色去巴豆只取良薑一味碾細熱酒

或湯調下二錢

又方

五靈脂一錢乾薑一字

右為細末熱酒調下

治脾痛手拈散此藥極奇孟公實傳

草果 玄胡索 五靈脂 沒藥

右等分為細末每服三錢溫酒調下○葉石林遊山至

一小寺頗整潔學徒亦衆問僧所以仰給者答云素無
田產亦不苦求於人只賃數藥以贍其間脾疼藥最流
布有詩云草果玄胡索靈脂并沒藥酒調參貳錢一似
手拈却

治血刺心痛婦人之疾

玄胡索不以多少新瓦上炒微黃不可焦碾為細末每
服三錢酒一盞煎至七八分服不能飲者以陳米飲調下
不拘時候以酒調亦得二者不若酒煎快此藥屢驗○
王執中既効方玄胡索鹽炒乾蝎半之醋湯下

第十一門

口齒 咽喉 牙痛 牙宣 齒衄 齒不生

口氣 口瘡 齒漏 重舌 失音 噎

治咽喉腫痛

山豆根洗淨新水浸少時每用一塊入口中嚥下苦汁
即寬痛亦止未愈更一二塊

又方

生甘草 生白礬

右等分為細末每服半錢入口中嚥下亦治喉閉

治虫牙疼

漢椒為末以巴豆一粒同研成膏飯為元如菘豆大以

綿裹安在虫牙孔處立効昔有為樂清簿者虫牙痛不可忍號呼之聲徹于四鄰用藥不効有丐者獻此方用之即安

逡巡散治風牙疼腫不拘新久一服立効

高良薑 一塊約二寸

全蝎 一枚瓦上焙乾

右為末以手指點藥如齒藥用須擦令熱徹須更吐出少涎以鹽湯漱口大妙亦治腮頰腫痛

治牙疼不可忍

烏頭尖 生用

右為末擦疼處用藥後以竹葉或細辛荊芥煎湯漱口

乳香膏治虫牙痛錢參政家方

光明白礬 枯過

滴乳香 各等分

右二味為細末溶蠟量多少和成膏旋元看虫牙孔子大小填之其痛立止神効又方入深烟脂少許和令深桃紅色只作散遇牙疼痛用一字以指揩擦良久用温

鹽湯漱口

治風虫牙疼腫不可忍每用少許揩患處吐涎雖嚥津亦不妨甚妙

青鹽 兩

川烏頭 二兩去尖劈碎如骰子大

右入甘鍋內用熟炭火煨候煙出盡存性取出埋地內

長壽百一選方 卷八
三日碾細揩患處如燬時以木杖子攪之不得犯鐵却
將一盞蓋甘錫子口上或用甕罐子燬亦可每揩藥先
用荊芥湯漱口揩了亦然

治風熱上攻齒痛余頃任淮西幕府已酉冬被檄來和州
至含山縣齒痛大作忽於一乃鑷人處得草藥一捻許以
湯泡少時冷暖隨意以手指蘸水瘰癧痛處即定明日若失
去歸余因傳得其方後以治人多効

皺面地葱子即本草稀荬又名地菘者霜後收之每用
少許湯泡或云即是鶴虱但本草別有鶴虱差為不同
沈存中筆談專辨地菘云其子名鶴虱余之所用正是

此物也錢季誠方用鶴虱一枚摺置齒中高監云以米
醋煎鶴虱漱口其痛立定尤妙

治牙痛善法寺僧如真傳

白殭蠶直者不以多少用生薑片切同炒候殭蠶赤黃
色為度去薑不用將殭蠶為細末每用取不艸皂角剝
去黑皮以手指蘸湯於皂角黃上擦取汁搵殭蠶末揩
痛處即止

治牙疼盛公紀云親曾用甚驗

鹽兩 草烏兩

右同炒令草烏黑色同為細末以擦患處

治風虫牙疼亦治暴赤眼并頭目昏痛

鷺不食草

右不拘多少紙裏懷乾碾為細末先滿含水一口然後
搐鼻隨病左右搐之若不含水恐藥搐入咽喉迥闊梨
云治頭目加川芎雙箇道人加全蝎各少許

治風虫牙痛馬敏叔說一村媪苦牙痛百藥不効用此即

愈

丝瓜兒俗呼為天羅燒灰存性為細末擦痛處立止

升麻地黄散治風氣上攻牙齒疼痛齦腫連腮頰緊急王

尚書宣子方

升麻

生乾地黄

青鹽

川芎

各半兩

皂角

一挺燒

細辛

二錢半

槐角子

半兩燒

右為細末每用少許揩擦齦上有涎吐了誤嚥亦無妨

治牙齒痛姚克温說此方甚驗

以蕪苾仁安虫齒上有縫就以塞之立驗

治風虫牙疼趙總管方

馬夜眼上以刀兒薄起一片子投在所患牙縫中或咬
在痛處瀝出風涎即止不可嚥

薑黃散治牙痛不可忍舒挺之撫幹嘗患徧用諸方無若

此方之良

薑黃

細辛

白芷等分

右為細末併擦兩三次鹽湯漱立止政和八年胡長文給事之父牙疼不可忍面腫偶無薑黃檢本草川芎亦治牙疼遂以代之坐間便見腫消痛止後止用川芎亦驗治牙痛曾府判茂昭說

巴豆

一枚去殼并膜

淡豆豉一箇

右同研爛每用針頭許以連紙裹安痛處立止不可太多亦不可令侵齧恐能損肉

又方

香白芷

太平州道地者不以多少

朱砂

十分白芷一別研

右為細末入朱砂拌勻煉蜜元如大櫻桃大每用一元擦痛處立止廬州郭醫傳云渠親曾取累効盡勝它藥此藥乃濠梁一村婦人以醫延師母夫人者倉卒不用朱砂及蜜亦可其効只在香白芷耳趙從簡府判所用只白芷細辛二味等分亦每作効

治牙疼立効散

零零香

淨洗軟火炙燥

華撥

洗剉碎火炒上燥

右二味等分為末先以炭一塊為細末揩痛處連牙床並揩淨以藥擦痛處老人風虫牙疼小兒疳牙走馬疳等悉治之

治牙痛諸藥不効者漢陽章教授方

芫花碾為細末擦痛處令熱立定

治牙宣

赤土荊芥同為細末揩齒上以荊芥湯漱

治齒衄以苦竹葉濃煎漱口○又糟茄新瓦上片切煨令

乾黑色為末傅之

又方泊宅編云一士人無故舌出血仍有小穴名醫耿隅

曰此名舌衄炒槐花傅之而愈

治齒不生

雌烏雞糞

雄烏雞糞

以二雞各畜之收糞

舊鞋底

麻底尤佳

右二物等分燒灰存性研細入麝香同研傅於齒齦上

李莫安撫女子退齒踰年不生甚以為撓因過平江會

李亮卿語之李云予有此方已經試驗用之一月齒遂

生

治口氣

香白芷

七錢

甘草

寸五

右為細末食後并花水調下一錢

治口瘡

朴硝

錢一

寒水石

南人謂之軟石膏者火煨過一兩

右同研極細入少朱砂和令桃紅色傅嚙下不妨如嫌

味苦加甘草細末

又方赴筵散

黃蘗

蜜塗炙
紫色

滑石

研各
半兩

五味子

小嫩者
一兩

右三味為末拌勻每服半錢許乾摻瘡上良久便可以
飯食俱無妨礙甚奇

治老人虛人小兒口瘡咽痛

地龍

去土
炒

吳茱萸

去浮者
炒

右等分為末米醋入生麪調塗足心吳內翰之孫初生
而患口瘡用此方神効

治口瘡牙痛

華陰細辛根極辣者為末傅之

治口瘡

野薔薇根洗淨濃煎候冷漱灌吐出不須嚥數次即愈

治口瘡梅秀方

原蠶蛾末傅之

治口瘡張珣方

五倍子

去蛙末揀淨
不拘多少

螺兒青

十分五倍
之一

右為細末拌勻白口瘡先以蠶汁漱口了傅藥赤口瘡
先以淡醋湯漱口了傅藥

治口瘡蔡司理方

白礬右為末 黃礬去黑皮用 蜜炙焙乾

右以黃礬末一錢白礬末半錢二味和勻每用藥少許傳之先吐去苦水如藥力盡再傳少許唐仲舉母用黃礬皮末青黛等分拌勻傳之吐去涎再傳即愈

又方傳公實傳

五味子 生甘草各一兩 麥門冬青苗取四寸許 秤四兩焙乾

右為細末蜜調塗舌上若以蜜元如雞頭大含化亦得麥門冬須取去近根一寸許白者只用青苗却將近根白者漱灌

治齒漏疳出膿水不止青黛散

青黛 梧桐淚 胡黃連 蘆薈各半兩 蝦蟆一枚 燒灰 麝香一分

右同為末研勻每用半錢傳於患處

治齒漏疳蟲蝕齒齲臭爛麝香散

麝香 青礬燒赤 黃礬燒赤 白礬燒枯各一分 蘆薈半分 蝦蟆半兩 燒灰

右同於乳鉢內細研為散先以綿拭齲上惡血出即用濕紙片子摻藥貼二方出聖惠三十四卷富次律女年數歲齒上忽生一黑點後數日齲爛成走馬疳用前方

即愈自後屢有奇効

正舌散治中風舌本強難轉語言不正神妙

蝎梢去毒一分

茯神木剉微炒一兩

龍腦薄荷焙乾

兩二

右同為細末每服一二錢溫酒調下或以擦牙頰間亦得

治舌腫脹

一味好鵬砂為細末用薄批生薑蘸藥搯舌腫處少時即退

治重舌上戴妨礙

新真蒲黃羅細數傳之吐去又傳立消李莫安撫內子夜半忽不能言燭之乃舌下生一舌上戴急取外臺檢得此方五七傳即愈

治重舌禹錫姪

五靈脂一兩去砂石為細末

右用米醋一大盃同煎逐旋漱口立安

治失音從彥文親服取効

槐花新瓦上炒香熟三更後床上仰臥隨意食之亦治咯血

治噎溪口王省幹擇中傳

以蘿蔔濃煎湯如熱水飲之

治男子婦人氣噎病立僧正方

雞素子

兩箇和宿食用濕紙裹黃泥固濟炭火內燒煙斷時取出去黃泥素子內物不可去分毫

木香


丁香

沉香

各一錢

右四味同為細末用者棗去皮核元如梧桐子大每服

三十元食前下



新刊續添是齋百一選方卷之八

